



KOMUNIKADO PA PRENSA

Fecha
9 di yūli 2015

Kolaborador di Minister VVRP
Nathalie Martina

Adrès elektróniko
nathalie.martina@ministervvrpcur.com

Minister di Tráfiko, Transporte i Planifikashon Urbano ta otorgá pèrmit di instalashon

Willemstad - Minister Susanne Camelia-Römer resientemente a otorgá un asina yama pèrmit di instalashon (aanlegvergunning) pa planta simia di planchi di datu i kadushi den naturalesa riba tres tereno, ku den E.O.P. ta destiná komo áreanan pa konservashon di naturalesa òf áreanan destiná pa parke.

Den kuadro di un proyekto sientífiko, lo planta simia di próksimamente 126 planchi di datu i kadushi den e áreanan di Malpais i Savonet ku ta destiná pa konserva naturalesa, i tambe na Sapaté ku ta destiná komo área pa parke.

Datu i kadushi, espesienan típiko di nos paisahe, tin un ròl sumamente importante pa loke ta toka nos flora i founa. Hopi para i otro bestianan ta dependé di nan flor i fruta den tempu di sekura. Kadushi ketu bai ta brinda ingrediente pa un di nos platonan típiko di Kòrsou.

E pèrmit a wòrdu otorgá na sra. drs. A. Rojer un Biólogo i sra. dr. S. Petit, un biólogo bibá na Oustria kendenan lo ehikutá e plantamentu i lo sigui vigilá desaroyo di e plantashon. Meta di e proyekto inovativo aki ta pa vigilá i kompará kon na 3 diferente sitio datu i kadushi ta krese i sobrebibí. E proyekto aki ta un inovashon signifkante i efektivo ku ta halsa kalidat di e áreanan en kuestion, i tambe ta duna nos datonan importante pa re-plantashon di datu i kadushi na otro parti.

Sra. Rojer ta mostra riba importansia di kuida nos naturalesa i pa yuda ku konsientisashon e ta duna kurso “Bida den sekura” pa mas informashon por yama telefon 5141442.

Ku e paso importante aki minister Camelia-Römer ke enfatisá un meta prinsipal di gobernashon kual ta plantashon pa salbaguardiá e sobrebibensia di flora i founa aki na Kòrsou.